

## Ayacucho - Libra Wañuymi Qellqapa - Free from Death Scriptures

Romanos 6:23 Huchapa pagonqa wañuymi, Diospa qowasqanchikmi ichaqa Señorninchik Jesucristowan kuska wiñaypaq kawsakuy.

Romanos 8:2 Jesucristontakama kawsay qokuq Espiritupa leyninmi, wañuymantawan huchapa kamachikuyninmanta libraykuwan.

2 Timoteo 1:10 Kunanmi salvawaqninchik Jesucristopa hamusqanwan kuyawasqanchikta qawaykachiwanchik, paymi wañuypa atiyninta chinkarachin hinaspam allin noticianwan wiñay kawsayta qoykuwanchik.

Job 5:2 Cheqaptapunipas mana yachayniyuqtaqa piñakuyninmi wañuchin, hukpa kapuqninta munapayaq runataqa envidiakuyllanmi wañuchin.

Oseas 13:14 ¿Sepulturapa atiyninmantachu librasqaykichik? ¿Wañuypa makinmantachu qechusqaykichik? Yaw wañuy, ¿maytaq wañuchiq peste onqoynikikuna? Yaw sepultura, ¿maytaq chinkachinaykipaq atiyniki? Kay llagtata chinkachiy, manam llakipayaymanñachu.

Salmos 9:13 Dios Taytalláy, llakipayaykullaway, cheqniqniykunapa causanpi ñakarisqayta qawariykullaway, wañuypa patanmanta hurqoykullaway,

Job 6:26 Qamkunaqa nisqaykunamantam rimakuwankichik, muspaypi hina rimasqaykunamantam rimakuwankichik.

Job 33:22 Kawsayninpas sepulturamanñam hichpaykuchkan, kawsayninpas wañuypa patanpiñam kachkan.

Ezequiel 37:12,13 Chaynaqa, runapa churin, ñoqa Tayta Diospa nisqayta kaynata niy: Runallaykuna, sepulturaykichikta kichaykuspaymi qamkunataqa kikiypuni hurqomusqaykichik, hinaspam allpaykichikman kutichimusqaykichik. 13 Runallaykuna, sepulturaykichikta kichaykuspay chaymanta hurqomuptiymi Tayta Dios kasqayta yachankichik.

Mateo 27:52 Sepulturakunapas kicharikuptinmi allin ruwaq runakuna wañusqankumanta kawsarimurqaku.

Génesis 2:7 Chaymantam runata ñutu allpamanta Tayta Dios ruwarqa, hinaspam kawsachiq samayta senqanpi pukuykuptin kawsaq runaña rikurirurqa.

Génesis 6:17 Ñoqam kay pachaman sinchi parata kachaykamuspay pamparachisaq, chaynatam kay pachapi llapallan kawsaqkunata chinkachisaq. Manam chullapas puchunqachu.

Génesis 7:15 Llapallan kawsaq animalkunam paresnintinkama arcaman Noeywan kuska yaykurqaku.

Génesis 7:22 Kay pachapi samaywan kawsaqkunam lliw wañururqaku.

Job 12:10 Diospa makinpim llapallan kawsaqkunapa vidanqa kachkan, paypa makinpitaqmi llapallan runakunapa espiritunpas kachkan.

Job 33:4 Diospa espiritunmi ñoqataqa unanchawarqa, Tukuy Atiyniyuq Diosmi kawsayta qowarqa.

Hechos 17:25 manataqmí runamantaqa imatapas necesitanchu, payqa lliwchanchikta kawsachiwaspanchikmi samaytapas chaynataq tukuy

imakunatapas qowanchik.

Apocalipsis 13:15 Chay iskay kaq manchakuypaq animalmanmi atiy qosqa karqa, punta kaq manchakuypaq animalpa imagenninman kawsayta qospa rimachinanpaq hinaspa chay imagenta mana yupaychaqkunata wañuchinanpaq.

Juan 10:10 Suwaqa hamun suwakuqmi, wañuchiqmi hinaspa purmachiqmi. Ñoqam ichaqa hamurqani kawsanaykichikpaq hinaspa kawsaypa huntasqan kanaykichikpaq.

Isaías 28:15 Qamkunam ninkichik: “Contratotam wañuywan ruwaruniku, wañusqakunapa kasqanwanpas contratotam ruwaruniku, sasachakuy hamuspa mana haypawanankupaq; llulla rimaykunapim amparakuruniku, engaño ruwaykunapim pakakuruniku”, nispaykichik.

Isaías 28:18 Wañuywan contrato ruwasqaykichikpas yanqachasqam kanqa, wañusqakunapa kasqanwan contrato ruwasqaykichikpas manaña kaqmi kanqa; chay manchakuypaq sasachakuy hamuruspanmi sarupasunkichik.

Isaías 5:24 Imaynam qopata chaylla nina ruparun, imaynam chaki pastota lenwachkaq nina ruparun, chaynam qamkunapas sapinmanta tukusqa kankichik, wayrapa apasqan chaki wayta hina tukusqam kankichik. Chaynaqa, kankichik, Tukuy Atiyniyuq Tayta Diospa yachachikuyninta mana kasukusqaykichikraykum, Isaelpa Chuya Diosninpa kamachikuyninkunata wischupakusqaykichikraykum.

Joel 1:12 Uvaswan higospas chakirunmi, granadawan palmerapas qawirunmi, manzanawan wakin sachakunapas chakirunmi, llapa runapa kusikuyninpas chinkarunmi.

Oseas 13:15 Efraín llaqta musoqmanta hatariptinpas intipa qespimunan lawmantam viento hamunqa, chunniqmantam Diospa wayran hamunqa, yakupa kasqan pukyukunam chakinqa, qori-qollqenkunatapas enemigonkunam apakunqa.

Apocalipsis 22:1 Huk angelmi chuyay-chuyay mayuta qawaykachiwarqa, chay mayuqa kawsay yakum kasqa. Chay yakuqa kasqa cristal hina chuyay-chuyaymi, chayqa lloqsimusqa Diospa hinaspa Corderopa trononmantam.

Juan 4:10 Chaymi payta Jesús nirqa: Sichum yachawaq Diospa kuyakuyninta chaynataq yaku mañakusuqniki pim kasqanta, hinaspaqa paytachá mañakuwaq, hinaptinqa kawsachikuq yakutam qoykusunkiman, nispa.

Juan 4:14 Ñoqapa yaku qosqay tomaqmi ichaqa manaña haykripas yakunayachikunqachu. Chay yaku qosqayqa runapim pukyu hina rikurirunqa, chay pukyum toqyamuspan wiñay kawsayta qonqa, nispa.

Proverbios 13:14 Yachayniyuqpa yachachikuyninqa kawsachikuq yaku hinam, wañuypa makinmantapas librakunmi.

Proverbios 14:27 Tayta Diosta manchakuyqa kawsakuypa qallariyninmi, wañuymantam runata lluptichin.

Ezequiel 13:17-23 Runapa churin, runaykuna ukupi profeta tukuq warmikunata qaway. Paykunaqa kikinkupa sonqonkumanta hurqospam rimachkanku, chaynaqa paykunapa contranpi 18 kaynata nimuy: ¡Ay, imaynaraq kankichik,

Illaqtayta pantachinaykichikpaq umapaq layqasqa velokunata, makipaq layqasqa pulserakunata ruwaq warmikuna! ¿Chaykunawan runaykunata engañaspaykichikchu qamkunañataq salvakuytaraq munachkankichik? 19 Qamkunam huk aptay cebadallapaq hinaspa parten tantallapaq Illaqtayta qayllanpi sutiyta penqayman churankichik; wañunanpaq kaqkunatam "manam wañunkichu" ninkichik, kawsananpaq kaqkunatañataqmi "wañunkipunim" ninkichik. Chaynatam Illaqtayta engaňankichik, Illaqtayñataqmi Illullakusqaykichikta uyarin. 20 Chayraykum Ñoqa Tayta Dios kaynata nikichik: Ñoqam chay layqasqa velokunapa hinaspa pulserakunapa contranpi kachkani, chaywanmi qamkunaqa runaykunata engaňaspa wichichirqankichik. Runakunatam makikichikmanta libraspay libreña kanankupaq kachaykusaq. 21 Ruwasqaykichik velokunatapas Ilikiparuspaymi, Illaqtayta makikichikmanta kachaykusaq, manañam mastaq engaňankichikñachu. Chaynapim Tayta Dios kasqayta yachankichik. 22 Mana llakichichkaptiyas qamkunam ichaqa Illullakuynikichikwan allin ruwaq runakunata llakichirqanchik, mana allin ruwaqkunatañataqmi aswanraq mana allinkunata ruwanankupaq kallpancharqankichik, chaynapi castigoymanta mana salvakunankupaq. 23 Chaynaqa, yanqa visionkunatapas manañam chaskinkichikñachu, nitaqmi llulla profeciakunatapas willakunkichikñachu, Illaqtaytam qamkunapa makikichikmanta librasaq, chaynapim Tayta Dios kasqayta yachankichik, nispa.

Jeremías 21:8 Chay runakunamanqa nimunkitaqmi: Ñoqa Tayta Diosmi kaynata nini: Kunanmi ñawpaqnikichikman churani kawsay ñantawan wañuy ñanta, mayqantapas akllakunaykichikpaq.

Job 34:22 Mana allin ruwaq runataqa maynaña tutayaypas manam pakanmanchu. Salmos 16:10 Cuerpoytapas amam sepulturapiqa saquerunkichik, kuyasqaykitaqa amam sepulturapiqa saquerunkichik.

Salmos 23:4 Manchakuyaq tutayaq wayqontaña purispaypas manam manchakuniñachu qamqa ñoqallaywanmi kallachkanki; varaykiwan tawnaykiwanmi kallpanchaykuwanki.

Salmos 30:3 Wañuypa patanmantam libraykuwarqanki, wañuqkunapa kasqanman rinaymantam kawsayta qoykuwarqanki.

Salmos 49:15 Diosmi ichaqa wañuypa atiyninmanta librawanqa, ñoqallaytaqa maymi kasqanmanmi pusakuwanqa.

Salmos 56:13 Wañuymantam hurqoykuwarqanki, urmanaymantam harkaykuwarqanki, qampa ñawpaqnikipi purinaypaq, kawsay achkiynikipi purinaypaq.

Salmos 68:20 Tayta Diosllam salvaqninchikqa, Dios Taytallam wañuymanta hurqoqninchikqa.

Salmos 89:48 ¿Ima runataq mana wañuq kanman? ¿Pitaq wañuypa atiyninmanta lluptinman?

Salmos 102:19,20 Altopi santuarionmantam Tayta Dios qawamuchkan, hanaq pachamantam kay pachata qawamuchkan. 20 Presokunapa waqasqanta uyarinanpaqmi qawamuchkan, wañunanpaq sentenciasqakunata kacharinanpaqmi qawamuchkan.

Salmos 116:8 Dios Taytalláy, almallaytam wañuymanta hurqoykuwanki, weqellaytam pichaykuwanki, urmanaymantam hapiykuwanki.

Proverbios 10:2 Yanqapaqmi mana allinta ruwaspa apuyayqa, allin ruwaymi ichaqa wañuymanta librakun.

Isaías 26:19 Qampi wañukuqkunam kawsarinqaku, ayaykikunam hatarimunqaku.

Allpa ukunpi kaqkunam rikcharimuspa kusikuyllawanña qaparinqaku, sullata hinaraq kanchaynikita chayachiptikim wañuqkuna allpa ukumanta hatarimunqaku.

Juan 5:28,29 Amayá kaywanqa admirakuychikchu, chayamunqam punchaw panteonpi wañusqakuna paypa qayakuyninta uyarinankupaq. 29 Hinaspas allin ruwaqkuna wiñay kawsakuymanña kawsarimunqaku, mana allin ruwaqkunañataq condenasqa kanankupaq.

Juan 10:28 Ñoqam paykunaman wiñay kawsayta qoni chaymi paykunaqa mana haykripas chinkanqakuchu, manataqmi pipas makiymantaq qechuwanqachu.

Juan 11:43,44 Chaynata nispanmi hatunmanta qaparispan nirqa: ¡Lázaro, lloqsimuy! nispa. 44 Hinaptimmi chay wañuqqa lloqsiramurqa, makin chakin watasqa hinaspa uyanpas telawan wankusqa. Jesusñataqmi nirqa: Purinanpaq paskaychik, nispa.

Juan 12:17 Lazarota Jesuspa kawsarirachisqan rikuqkunam willakurqaku sepulturamanta qayaykuspa kawsarirachisqanta.

Juan 17:2 Qanmi atiya qowarqanki llapallan runapi munaychakunaypaq, chaynapi qowasqayki llapallan runakunaman wiñay kawsayta qonaypaq.

1 Corintios 15:19-26 Sichum kay pachapi kawsanallapaq Cristopi confiakuspanchikqa, lliw runakunamantapas aswan llakipayaypaqmi kachkanchik. 20 ¡Manam chaynachu! Cristoqa kawsarimurqam, payqa wañuqkunamanta punta kawsarimuqmi. 21 Imaynam kay pachaman wañuy huk runantakamalla yaykumurqa, chaynataqmi kawsarimupas huk runantakamalla hamurqa. 22 Imaynam Adanpa huchallikusqanwan llapallan runa wañun, chaynallataqmi Cristopi iñiqunapas llapallan kawsarimunqa. 23 Ichaqa sapakamam qatinasnini kawsarimunqa: Cristom puntata kawsarimurqa, pay hamuptinñataqmi iñiinqunkunapas kawsarimunqa. 24 Chaymantañam tukupay tiempo chayamunqa, chay tiempopiqa Cristom llapallan atiynyuqkunata, munaynyuqkunata hinaspa autoridadkunata chinkarachinqa, hinaspm munaychakuyninta Dios Taytanmanña qoykunqa. 25 Cristoqa munaychakunqa llapallan enemigonkunata Dios saruchinankamam. 26 Qepallaña chinkachinapaq kaq enemigoqa wañuymi.

2 Corintios 1:9,10 Wañuypa patanpiñam karqaniku, kaykunam ichaqa yachachiwarqaku mana kikillaykupi hapiakuq kanaykupaq, aswanqa wañuqkuna kawsarichiq Diosllamanña hapiakuya yachanaykupaq. 10 Wañuymantapas Diosmi librawarqaku, paytaqmi qepatapas librawanqaku. Confiakuchkanikutaqmi hamuq punchawkunapipas librawanankuta.

2 Corintios 3:6 Paymi allinta yachachiwarqanchik imaynam musoq pactoman hina servikunanchikpaq. Manam qellqasqa leyman hinallachu aswanqa Espirituman

hinam. Qellqasqa leyqa wañuymanmi apakun, Espiritum ichaqa kawsachikun. Colosenses 1:21,22 Ñawpaqtaqa Diosmanta karunchasqam karqankichik, mana allinkunata ruwaspm Diosta cheqnirqanchik, kunanmi ichaqa kikinpuni qamkunawan allinyanakuykun. 22 Chaynaqa, karun Cristopa runa kaynini pi wañusqallanwanmi. Payqa wañurqa chuyanchasqata, mana qachayuqta hinaspa pasaypaq mana huchayuqtaña Diospa qayllanman pusaykusunaykichikpaqmi

Hebreos 2:9 Jesustam ichaqa rikunchik, Diosmi paytaqa angelkunamantapas tumpa menostaraq ruwarurqa, ñakarispa wañusqanraykum paytaqa coronasqata hinaña kanchariywan hatunchasqataña qawachkanchik. Runakunata Dios kuyaykuptinmi Jesusqa llapallanpa rantinpi wañurqa.

Hebreos 2:14,15 Tayta-mamanchikpa mirayninkuna kaspanchikmi aychanmantawan yawarninmanta kanchik. Jesuspas ñoqanchik hina cuerpo yuqmi karqa, chaynaqa karqa wañuya reqsispan wañuypi munaychakuq diablota chinkachinanpaqmi. 15 Chayraykum Jesusqa wañuy manchakuqkunatapas libran, paykunaqa tukuy tiempom wañuypa sirvienten hina kawsarqaku.

Hebreos 11:5 Iñiyninraykullam Enocqa, mana wañuya reqsinanpaq kawsachkaqla hanaq pachaman Diospa pusasqan karqa, chaymi paytaqa manaña tarirqakuchu. Manaraq apasqa kachkaptinmi Diospa munasqanman hina kawsasqanmanta willakuqku.

- 1 Pedro 3:18 Chaynataqmi Cristopas huk kutillata huchanchikkunamanta ñakarirqa. Payqa mana huchayuqmi karqa, ichaqa mana allin runakunata Diosman pusawananchikpaqmi ñakarirqa. Aychapi wañukuchkas papas espiritupa yanapakuyninwanmi kawsarimurqa.
  - 2 Pedro 1:3 Diosmi atiyninwan tukuy ima munasqanchikta kawsananchikpaq hinaspa servinanchikpaq qowarqanchik. Chaytaqa qowarqanchik hatun atiyninwan sumaq sonqo kayninwan pim qayawaqninchikta reqsichiwananchikpaqmi.
  - 1 Juan 3:14 Ñoqanchikqa wañuymantam kawsaymanña pasarunchik, chaytaqa yachanchik iñiqmasinchikkunata kuyasqanchikwanmi. Chayna mana kuyaqqa hinallaraqmi wañusqa kachkan.
  - 1 Juan 5:11 Diospa nisqanqa kaymi: Diosmi wiñay kawsayta qowarqanchik, chay wiñay kawsayqa tarikun Churin Jesucristollapim.
- Apocalipsis 21:6 Payqa niwarqataqmi: Ñam ruwasqaña. Ñoqam kani Qallariypas Tukupaypas, Ñawpaq kaqpas Qepa kaqpas. Pipas yakunayachikuqmanqa mana imallapaqmi pukyumanta kawsachikuq yakuta qosaq.